

Hosea / הושע - According to Dead Sea Scrolls Manuscripts Combined

Chapter 1

Verses 1 - 5 not extant among Dead Sea Scrolls

⁶ ותהר עוד ותלד בת ויאמר לו קרא שמה לא רחמה כי לא אוסיף עוד ארחם את בית ישראל כי נשא אשא להם:

⁷ ואת בית יהודה ארחם והושעתים ביהוה אלהיהם ולא אושיעם בקשת ובחרב ובמלחמה בסוסים ובפרשים:

⁸ ותגמל את לא רחמה ותהר ותלד בן:

⁹ ויאמר קרא שמו לא עמי כי אתם לא עמי ואנכי לא אהיה לכם:

Chapter 2

¹ והיה מספר בני ישראל כחול הים אשר לא ימד ולו יספיר¹ והיה במקום אשר יאמר להם לא עמי אתם יומר להם בני אל חי:

² ונקבצו בני יהודה ובני ישראל יחדו ושמו להם ראש אחד ועלו מן הרץ כי גדול יום יזרעאל:

³ אמרו לאחיכם עמי ולאחותיכם רחמה:

⁴ ריבו באמכם ריב כי הא לו אשתי ואנכי לא אישה ותסר זנוניה מפניה ונאפופיה² מבין שדיה:

¹ 4QXII^d: *counted* (plene spelling). 4QXII^g and Masoretic have the defective spelling יספר. However, according to the Masoretes vowel-pointing system, יספר is to be pronounced יִסְפֵּר /yissaper/, not yissapiyr as in 4QXII^d.

² 4QXII^g, Mas, LXX: *from before her, and her adultery*. 4QXII^d has omitted these words, probably through homoeoteleuton when the scribe's eye skipped from the יה of ונאפופיה to the יה of מפניה.

⁵ פנ אפשטנה ערמה והצגתיה כיום הולדה ושמתיא כמדבר ושתיה כארץ ציה והמתיה בצמא:

Verses 5 - 12 not extant among Dead Sea Scrolls

¹³ והשבתי כל משושה חגה חדשה ושבתי וכל מועדה:

¹⁴ והשמתי גפנה ותאנתה אשר אמרה אתנה המה לי אשר נתנו לי מאהבי ושמתי ליער ואכלתם אית השדה:

¹⁵ ופקדתי עליה את ימי הבעלים אשר תקטיר להם ותעד נזמה וחליתה ותלך אחרי מאהביה ואותי שכחה נאם יהוה:

¹⁶ לכן הנה אנוכי מפתיה והלכתי המדבר ודברתי על לבה:

¹⁷ ונתתי לה את כרמיה משם ואת עמק עכור לפתח תקוה וענתה שמה כימי נעוריה וכיום עלתה מארץ מצרים:

¹⁸ והיה ביום ההוא נאם יהוה תקראי אישי ולא תקראי לי עוד בעלי:

¹⁹ והסרתי את שמות הבעלים מפיה ולא יזכרו עוד בשמם:

Verses 20 - 21 not extant among Dead Sea Scrolls

²² וארשתיך לי באמונה וידעת את יהוה:

²³ והיה ביום ההוא אענה נאם יהוה אענה את השמים והם יענו את הארץ:

²⁴ והארץ תענה את הדגן ואת התירוש ואת היצהר והם יענו את יזרעאל:

²⁵ וזרעתיה לי בארץ ורחמתי את לא רחמה ואמרתי ללא עמי עמי אתה והוא יואמר אלוהי:

Chapter 3

¹ ויאומר יהוה אלי עוד לך אהב אשה אהבת רע ומנאפת כאהבת יהוה את בני ישראל והם פנים אל אלהים אחרים ואהבי אשישי ענבים:

² ואכרה לי בחמשה עשר כסף וחומר שעורים ולתכה שעורים:

³ ואומר אליה ימים רבים תשבי לי לא תזני ולא תהיי לאיש וגם אני אליך:

⁴ כי ימים רבים ישבו בני ישראל אין מלך ואין שר ואין זבח ואין מצבה ואין אפוד ותרפים:

⁵ אחר ישבו בני ישראל ובקשו את יהוה אלוהיהם ואת דויד מלכם ופחדו אל יהוה ואל טובו באחרית הימים:

Chapter 4

¹ שמעו דבר יהוה בני ישראל כי ריב ליהוה עם יושבי הארץ כי אין אמת ואין חסד ואין דעת אלוהים בארץ:

² אלוה וכחש ורצח וגנב ונאף פרצו ודמים בדמים נגעו:

³ על כן תאבל הארץ ואמלל כל יושבי בה בחית השדה ובעוף השמים וגם דגי הים יאספו:

⁴ אך איש אל ירב ואל יוכח איש ועמכה כמריבי כהן:

Verse 5 not extant among Dead Sea Scrolls

⁶ נדמו עמי מבלי הדעת כי אתה הדעת מאסת ואמאסאך מכהן לי ותשכח תורת אלהיך אשכח בניך גם אני:

⁷ כרובם כן חטאו לי כבודם בקלון אמיר:

Verse 8 not extant among Dead Sea Scrolls

⁹ והיה כעם ככהן ופקדתי עליו דרכיו ומעלליו אשיב לו:

¹⁰ ואכלו ולא ישבעו הזנו ולא יפרצו כי את יהוה עזבו לשמור:

¹¹ זנות ויין ותירוש יקה לב:

¹² עמי בעצו ישאל ומקלו יגיד לו כי רוח זנונים התעה ויזנו מתחת אלוהיהמה:

¹³ על ראשי ההרים יזבחו ועל הגבעות יקטרו תחת אלון ולבנה ואלה כי טוב צלה על כן תזנינה בנותיכמה

וכלותיכמה תנאפנה:

¹⁴ לוא אפקוד על בנותיכם כי תזנינה ועל כלותיכם כי תנאפנה כי הם עם הזנות יפרדו ועם הקדשות יזבחו

ועם לא יבין ילבט:

¹⁵ אם זנה אתה ישראל אל יאשם יהודה ואל תבואו הגלגל אל תעלו בית און ואל תשבעו חי יהוה:

¹⁶ כי כפרה סררה סרר ישראל עתה ירעם יהוה ככיבש במרחב:

Verse 17 not extant among Dead Sea Scrolls

¹⁸ סר סבאם הזנה הזנו אהבו הבו קלון מגניה:

¹⁹ צרר רוח אותה בכנפיה ויבשו מזבחותם:

Chapter 5

¹ שמעו זאת הכהנים והקשיבו בית ישראל ובית המלך האזינו כי לכם המשפט כי פח הייתם למצפה ורשת

פרושה על תבור:

Verses 2 - 15 not extant among Dead Sea Scrolls

Chapter 6

Verses 1 - 2 not extant among Dead Sea Scrolls

³ ונדעה נרדפה לדעת את יהוה כשחר נכון מוצאו ויבוא כגשם לנו כמלקוש יורה ארץ:

⁴ מה אעשה לך אפרים מה אעשה לך יהודה וחסדכם כענן בקר וכטל משכים הלך:

Verses 5 - 7 not extant among Dead Sea Scrolls

⁸ גלעד קרית פעלי און עקובה מדם:

⁹ וכחכי איש גדודים חבר כהנים דרך ירצחו שכמה כי זמה עשו:

¹⁰ בבית ישראל ראיתי שערוריה שם זנות לאפרים נטמא ישראל:

¹¹ גם יהודה שת קציר לך בשובי שבות עמי:

Chapter 7

¹ כרפאי לישראל ונגלה עון אפרים ורעות שמרון כי פעלו שקר וגנב יבוא פשט גדוד בחוץ:

Verses 2 - 10 not extant among Dead Sea Scrolls

¹¹ ויהי אפרים כיונה פותה אין לב מצרים קראו אשור הלכו:

¹² כאשר ילכו אפרוש עליהם רשתי כעוף השמים אורידם איסרם כשמע לעדתם:

¹³ אוי להם כי נדדו ממנו שוד להם כי פשעו בי ואנוכי אפדם והמה דברו עלי כזבים:

¹⁴ ולוא זעקו אלי בלבהם כי ילילו על משכבותם על דגן ותירוש יתגוררו יסורו בי:

¹⁵ ואני יסרתי חזקתי אזרועותם ואלי יחשבו רע:

¹⁶ ישובו לוא על היו כקשת הרומיה יפלו בחרב שריהם מזעם לשונם זו לעגם בארץ מצרים:

Chapter 8

¹ אל חכך שפר כנשר על בית יהוה יען עברו בריתי ועל תורתי פשעו:

Verses 2 - 14 not extant among Dead Sea Scrolls

Chapter 9

¹ אל תשמח ישראל אל גיל כעמים כי זנית מעל אלהיך אהבת אתנן על כל גרנות דגן:

² גרן ויקב לא ירעם ותירוש יכחש בה:

³ לוא ישבו בארץ יהוה ושב אפרים מצרים ובאשור טמא יאכלו:

⁴ לוא יסכו ליהוה יין ולא יערבו לו זבחיהם כלחם אונים להם כל אכליו יטמאו כי לחמם לנפשם לא יבוא

בית יהוה:

Verses 5 - 8 not extant among Dead Sea Scrolls

⁹ העמיקו שחתו כימי הגבעה יזכור עונם יפקוד חטאותם:

- 10** כענבים במדבר מצאתי ישראל כבכורה בתאנה בראשיתה ראיתי אבותיכם המה באו בעל פעור וינזרו לבשת ויהיו שקוצים כאהבם:
- 11** אפרים כעוף יתעופף כבודם מלדה ומבטן ומהריון:
- 12** כי אם יגדלו את בניהם ושכלתים מאדם כי גם אוי להם בשורי מהם:
- 13** אפרים כאשר ראיתי לצור שתולה בנוה ואפרים להוציא אל הרג בניו:
- 14** תן להם יהוה מה תתן תן להם רחם משכיל ושדים צומקים:
- 15** כל רעתם בגלגל כי שם שנאתים על רע מעלליהם מביתי אגרשם לא אוסף אהבתם כל שריהם סררים:
- 16** הכה אפרים שרשם יבש פרי בל יעשון גם כי ילדון והמתי מחמדי בטנם:
- 17** ימאסם אלוהי כי לא שמעו לו ויהיו נדדים בגוים:

Chapter 10

- 1** גפן בוקק ישראל פרי ישוה לו כרוב לפריו הרבה למזבחות כטוב לארצו היטיבו מצבות:
- 2** חלק לבם עתה יאשמו הוא יערוף מזבחותם ישדד מצבותם:
- 3** כי עתה יאמרו אין מלך לנו כי לוא יראנו את יהוה והמלך מה יעשה לנו:
- 4** דברו דברים אלות שוא כרת ברית ופרח כראש משפט על תלמי שדי:
- 5** לעגלות בית און יגורו שכן שמרון כי אבל עליו עמו וכמריו עליו יגילו על כבודו כי גלה ממנו:
- 6** גם אותו לאשור יובל מנחה למלך ירב בשנה אפרים יקה ויבוש ישראל מעצתו:

Verse 8 not extant among Dead Sea Scrolls

- ⁸ ונשמדו במות און חטאת ישראל קוץ ודרדר יעלה על מזבחותם ואמרו להרים כסונו ולגבעות נפלו עלינו:
⁹ מימי הגבעה חטאת ישראל שם עמדו לא תשיגם בגבעה מלחמה על בני עלוה:
¹⁰ באותי ואסרם ואספו עליהם עמים באסרם לשתי עונתם:
¹¹ ואפרים עגלה מלמדה אהבתי לדוש ואני עברתי על טוב צוארה ארכיב אפרים יחרוש יהודה ישדד לו יעקב:
¹² זרעו לכם לצדקה קצרו לפי חסד נירו לכם ניר ועת לדרוש את יהוה עד יבוא וירו צדק לכם:
¹³ חרשתם רשע עולתה קצרתם אכלתם פרי כחש כי בטחת בדרככה ברוב גבוריכה:
¹⁴ וקאם שאון בעמך וכל מבצריך יושד כשד שלמן בית ארבאל ביום מלחמה אם על בנים רטשה:

Verse 15 not extant among Dead Sea Scrolls

Chapter 11

Verse 1 not extant among Dead Sea Scrolls

- ² קראו להם כן הלכו מפניהם לבעלים יזבחו ולפסלים יקטרון:
³ ואנוכי תרגלתי לאפרים קחם על זרועתיו ולא ידעו כי רפאתים:
⁴ בחבלי אדם אמשכם בעבותות אהבה ואהיה להם כמרימי עול על לחיהם ואט אליו אוכיל:
⁵ לא ישוב אל ארץ מצרים ואשור הוא מלכו כי מאנו לשוב:

⁶ וחלה חרב בעריו וכלתה בדיו ואכלה ממעצותיהם:

Verse 7 not extant among Dead Sea Scrolls

⁸ איך אתנך אפרים אמגנך ישראל איך אתנך כאדמה אשימך כצבואים נהפך עלי לבי יחד נכמרו נחומי:

⁹ לא אעשה חרון אפי לוא אשוב לשחת אפרים כי אל אנכי ולא איש בקרבך קדוש ולא אבוא בעיר:

¹⁰ אחריו יהוה ילך וכאריה ישאג כי הוא ישאג ויחרדו בנים מים:

¹¹ יחרדו כצפרים ממצרים וכיונה מארץ אשור והושבתים על בתיהם נאם יהוה:

Chapter 12

¹ סבבוני בכחש אפרים ובמרמה בית ישראל ויהודה עוד רד עם אל ועם קדושים נאמן:

² אפרים רעה רוח ורדף קדים כל היום כזב ושד ירבה וברית עם אשור יכרתו ושמן למצרים יובל:

³ וריב ליהוה עם יהודה ולפקוד על יעקוב כדרכיו וכמעלליו ישיב לו:

⁴ בבטן עקב את אחיו ובאנו שרה את אלוהים:

⁵ וישר אל מלאך ויכל בכה ויתחנן לו בית אל ימצאנו ושם ידבר עמנו:

⁷ ואתה באלוהיכה תשוב חסד ומשפט שמר וקוה אל אלהיך תמיד:

⁸ כנען בידו מאזני מרמה ל ע שק אהב:

⁹ ויאמר אפרים אך עשרתי מצאתי און לי כל יגיעי לוא ימצאו לי עון אשר חטא:

¹⁰ ואנכי יהוה אלהיך מארץ מעלכה מעד אושיבך באהלים כימי מועד:

Verse 11 not extant among Dead Sea Scrolls

¹² אם גלעד און אך שוא היו בגלגל שורים זבחו גם מזבחותם כגלים על תלמי שדי:

¹³ ויברח יעקוב שדה ארם ויעבוד ישראל באשה ובאשה שמר:

¹⁴ ובנביא העלה יהוה את ישראל ממצרים ובנביא נשמר:

¹⁵ הכעיס אפרים תמרורים ודמיו עליו יטוש וחרפתו ישיב לו אדוניו:

Chapter 13

¹ כדבר אפרים רתת נשא הוא בישראל ויאשם בבעל וימת:

³ לוכן יהיו כענן בקר וכטל משכים הלך כמץ יסער מגרן וכעשן מארבה:

⁴ אנוכי יהוה אלוהיכה בצר שמים וקונה ארץ אשר ידיו ברא כול צבא השמים ולוא הראיתים לכה ללכת

אחריהמה ואנוכי העלותיכה מארץ מצרים ואלוהים זולתי לוא תדע ומושיע אין בלתי:

⁵ אני ידעתיכה במדבר בארץ תלאבות:

⁶ כמרעיתם וישבעו שבעו קים לבם על כן שכחוני:

⁷ ואהי להם כמו שחל כנמר על דרכ אשור:

⁸ אפגשם כדוב שכול ואקרע סגור לבם ואכלם שם כלבי היער חית השדה תבקעם:

Verse 9 not extant among Dead Sea Scrolls

¹⁰ אהי מלככה אפוא ויושיעכה בכול עריכה ושופטיכה כאשר אמרת תנה לי מלך ושרים:

¹¹ אתן לך מלך באפי ואקה בעברתי:

¹² צרור עוון אפרים צפונה חטאתו:

¹³ חבלי יולדה יבאו לו הוא בן לא חכם כי עת לא יעמד במשבר בנים:

¹⁵ כי הוא בן אחים יפריא יבוא קדים רוח יהוה ממדבר עלה ויבש מקורו ויחרב מעינו הוא ישסה אוצר כל כלי חמדה:

Chapter 14

¹ תאשם שמרון כי מרתה באלוהיה בחרב יפלו עלליהם ירטשו והריותיו יבקעו:

Verse 2 not extant among Dead Sea Scrolls

³ קחו עמכם כה דברים ושובו אל יהוה אמרו אליו כל תשא עון וקח טוב ונשלמה פרים שפתינו:

⁴ אשור לוא יושיעינו על סוס לא נרכב ולא נאמר עוד אלהינו למעשה ידינו אשר בכה ירוחם יתום:

Verse 5 not extant among Dead Sea Scrolls

⁶ אהיה כטל לישראל יפרח כשושנה יכ שרשיו כלבנון:

Verse 7 - 8 not extant among Dead Sea Scrolls

⁹ אפרים מה לי עוד לעצבים אני עניתי ואשורנו אני כברוש רענן ממני פריך נמצא:

¹⁰ מי חכם ויבן אלה נבון וידעם כי ישרים דרכי יהוה וצדקים ילכו בם ופושעים יכשלו בם: